



Republika e Kosovës – Republika Kosova
Paneli Zgjedhor për Ankesa dhe Parashtrësia
Izbórni Panel za Žalbe i Predstavke

Anr.202/2019

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Fejzullah Rexhepi kryesues, Gyltene Sylejmani dhe Zyhdi Haziri anëtarë, me pjesëmarrjen e zyrtares ligjore Lutfie M. Ajvazi, duke vendosur përkitazi me ankesën e subjektit politik Lëvizja Vetëvendosje (LVV), me seli në Prishtinë, paraqitur kundër subjektit politik koalicionit AAK-PSD, me seli në Prishtinë, dega në Klinë për shkak të vendosjes së materialit zgjedhor në hapësira publike, për Zgjedhjet e Parakohshme për Kuvendin e Republikës së Kosovës, që do të mbahen me datë 06.10.2019, në seancën e panelit të mbajtur me datë 05.10.2019, mori këtë:

V E N D I M

Pranohet si e bazuar ankesa e subjektit politik Lëvizja Vetëvendosje (LVV), me seli në Prishtinë me A.nr.202/2019 e datës, 03.10.2019, kundër Subjektit politik koalicionit AAK-PSD, me seli në Prishtinë, dega në Klinë, sepse rreth orës 14:00, në rrugën “Ymer Berisha”, në Klinë, se aktivistët e subjektit politik koalicionit AAK-PSD, kanë vendosur një “Shtand”, me material zgjedhor, i shqiptohet dënimi më gjorbë në shumë prej 2,400.00€ (dy mijë e katerqind euro), cilën gjorbë detyrohet ta paguaj në afat prej 15 (pesëmbëdhjetë) ditëve, nga dita e plotfuqishmërisë të këtij vendimi nën **kërcënim të përmbarimit**.

A r s y e t i m

Me datën 03.10.2019, Lëvizja Vetëvendosje (LVV), ka paraqitur ankesë në PZAP, në të cilën pretendon se me datë 03.10.2019, aktivistet e Lëvizjes Vetëvendosje (LVV), qendra në Klinë, rreth orës 14:00, në rrugën “Ymer Berisha”, në Klinë, kanë vërejtur se aktivistet e subjektit politik koalicionit AAK-PSD, kanë vendosur një “Shtand”, me material zgjedhor. Paraqitësi i ankesës thekson se vendosja e “Shtand-it” dhe materialeve zgjedhore, në hapësirat publike paraqesin veprime të sanksionuara me dispozitën e nenit 33 pika b) të LZP-së, dhe rregullën zgjedhore 13/2013 të KQZ-së. Në mbështetje të pretendimeve ankimore, paraqitësi i ankesës, ka bashkangjitur disa fotografi të printuara.

Në përgjigjet në ankesë subjekti politik koalicioni AAK-PSD, pretendon se nuk është bërë shkelja e pohuar në ankesë, pasi që vendosja është bërë me pëlqimin e Komunës së Klinës, për vendosjen e “shtand-it” dhe materialeve zgjedhore në hapësirë publike. Si provë në mbështetje të pretendimeve në përgjigje ka bashkangjitur: fotografi nga publikimi në media i thirrjes së koalicionit AAK-PSD, për respektimin rigoroz të rregullave zgjedhore.

PZAP-i, pasi që shqyrtoj ankesën dhe vlerësimin të shkresave në lëndë vlerësoi se **ankesa është e bazuar**, për këto arsye:

Paneli nga fotot e ofruara si provë nga parashtruesi i ankesës, të cilat gjendet në shkresat e lëndës, në mënyrë të padyshimtë, ka konstatuar se “Shtand-i” dhe materialet zgjedhore të subjektit politik koalicionit AAK-PSD, janë të vendosura në hapësirat publike në rrugën “Ymer Berisha”, në qytetin Klinë.

Nga dëshmitë e sipërcituara paneli ka vërtetuar se nga subjekti politik koalicioni AAK-PSD, me seli në Prishtinë, dega në Klinë, janë bërë shkeljet e Kodit të Mirësjelljes për Subjekte Politike, Mbështetësit e tyre dhe Kandidatët, nga fakti se, “Shtand-i” dhe materialet zgjedhore të vendosura në hapësirë publike, paraqesin veprime të sanksionuara me dispozitën e nenit 33 pika b) e LZP-së, e cila përcakton “ *Vendosja e njoftimeve, pllakateve dhe postereve, ose përndryshe, vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugë publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa lejen e pronarëve ose shfrytëzuesve*”..

Paneli, vendimin e tij e ka mbështet në dëshmi të qarta dhe bindëse siç përcaktohet me nenin 117 par. 3 të LZP-së, prandaj pretendimet në përgjigje në ankesë nuk u cilësuan me ndikim në meritat e lëndës.

Parashtrimet në përgjigje në ankesë, se veprimet e subjektit politik koalicionit AAK-PSD, nuk mund të sanksionohen si shkelje të LZP-së, për arsye se vendosja e “Shtand-it” dhe materialeve zgjedhore, në hapësirë publike, është bërë me pëlqimin e Komunës së Klinës. Paneli pretendimet e tilla i vlerësoj si të pa bazuara dhe si të tilla i refuzoj pasi që, me këto prova nuk justifikon veprimet që janë të ndaluara dhe në kundërshtim me dispozitat ligjore të Nenit 33 pika b) i LZP-së, si dhe neni 5 paragrafi 1 pika d) e Rregullës 13/2013, ku parashihet se subjektet e certifikuara politike aktivitetet e tyre zgjedhore duhet t’i bëjnë në pajtueshmëri me Rregullat zgjedhore të Komisionit Qendror Zgjedhor (KQZ). Ky përfundim ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politike të jenë në një atmosferë të tolerancës demokracisë, paqes dhe respektit për sundimin e ligjit .

Paneli me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalët, shkallën dhe peshën e shkeljes, pjesëmarrjen e subjekti politik në zgjedhjet e mëparshme që konsiston në faktin se AAK-PSD, ka qenë e njoftuar me obligimet dhe përgjegjësit gjatë procesit të fushatës, shkeljet e Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me rregullat zgjedhore si dhe shumën e fondeve që ka marra subjekti politik prej Buxhetit të Republikës së Kosovës, për zhvillimin e aktiviteteve lidhur më fushatën zgjedhore. Po ashtu si rrethanë PZAP-i, mori edhe faktin që këtij subjekti, ia dha mundësinë për tu përgjigjur ashtu që në përgjigjet e tij ka mohuar shkeljet e supozuara.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

Anr.202/2019 më datën 05.10.2019



Këshillë Juridike: Kundër këtij vendimi nuk është e lejuar ankesa sipas nenit 118 par. 4 të LZP-së.